

23-05-2023

UPA 2023/35

Nunat Avannarliit Killiit Siunnersuisoqatigiiffiata kaammattuutit aalajangersagaanik nr. 4/2022-imi Inatsisartut ilaliinissaannik siunnersuut:

**Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu naalackersuisunut nunani avannarlerni killerni naligiissitaanissamut naalackersuisut 2023-mi ataatsimeeqatigiissinneqarnissaat kaammattuutigaa. Tamatuma siunertarineqassaaq nunani avannarlerni killerni naligiissitaanermut naalackersuisut Naligiissitaaneq eqqarsaatigalugit 2019-imiit 2022-mut nunani avannarlerni suleqatigiinnissamut pilersaarut, Nunani avannarlerni LGBTI-t naligiimmik pisinnaatitaaffeqarnerat, pineqartussaanagerat periarfissaqartinneqarnissaallu pillugit tapertalerlugu 31. december 2024-ip tungaanut ingerlaqqittussatut nunani avannarlerni naligiissitaanermut ministerit 6. september 2011-mi aalajangiffigisaat, eqqarsaatigalugu misilittakkanik paarlaasseqatigiinnissaat. Taamatuttaaq kaammattuutigineqarpoq nunani avannarlerni killerni naligiissitaanermut naalackersuisut naligiissitaaneq eqqarsaatigalugu nunani avannarlerni killerni ajornartorsiutit suussusersiniassagaat taakkulu eqqarsaatigalugit suliniutit ataqatigiittut eqqartorlugit. Ilanngullugu kaammattuutigineqarpit arnat angutillu naaligiissitaanissaat eqqarsaatigalugit Naalagaaffiit Peqatigiit nunarsuarmioqatigiinnut anguniagassiaat nunat avannarliit killiit naligiissitaanermut naalackersuisut suleqatigiinnerminni innersuussutigissagaat.**

(Aallartitat siulittaasuata Kim Kielsen)

Nunat Avannarliit Killiit nunatsinniik aallartitat siulittaasuata saqqummiussaanut Siumumiik qujavugut.

Aallarniutigalugu oqaatigissavarput partiitut anguniagaqaratta:

- Pilersikkumallugit Nunatsinni inuiaqatigiit kikkunnut tamanut pitsaasumik atugassaqartitsisut naligiimmillu periarfissaqartitsisut.

- Pilersikkumallugit Nunatsinni inuiaqatigiit naligiissitaasut sumi inunngorsimaneq, arnaaneq, angutaaneq upperisaqarnerluunniit apeqqutaatinnagit.
- Kalaallit Nunaanni Inuit pisinnaatitaaffii nunarsuarmioqatigiinnut tamanut atuuttut illersussallugit.

Aamma anguniarparput, inuiaqatigiit naqisimaneqanngitsut, eqeersimaartut suleqatigiittullu demokrati tunngavigalugu tamakkiisumik illersugaasut. Atugarisatigut naapertuilluarneq, assigiimmik naleqassuseq, kulturikkut naqisimaneqannginneq killilersugaanngitsumillu suliniuteqarsinnaaneq tassaapput inoqatinik pitsaasumik isiginnittaaseqarnermut sorlaasut.

Siumup siunertaani tunngaviuvoq socialisme demokratimik tunngavilik, tassa inuup kiffaanngissuseqartitaanissaa, qulakkiissallugu toqqissisimalluni naqisimaneqaranilu nammineerluni inuunermi akisussaassuseqartumik aalajangiiffiginissaanut periarfissaqartitaanissaa, peqatigiinnermut tunngatillugu, pinngortitamut tunngatillugu, kinguaariinnullu aggersunut tunngatillugu akisussaaqataasutut misigaluni.

Inuup naleqassusia ataqqisariaqarpoq Siumumiillu illersugaraagut inuiaqatigiit qanorluunniit inissisimappata, suaiaqatiminnoortartuuppata apeqqutaatinnagu, naatsumik oqaatigalugu inatsisunik tunngavillit inuillu pisinnaatitaaffii tunngaviusut Siumumi illersortuassavagut nukittorsarlugillu. Taamaattumik naligiissitaanermut immikkoortitsinnginnissamillu inatsit nutaaq ukiaaru Naalakkersuisut saqqummiussassaat Siumup Inatsisartuutitaasa qilanaaraat, peqatigisaanillu suliffeqarnermik siuaassutsikkut aggulussimasumik akiuinissaq siunnerfilimmik suliniuteqarfigineqartoq iluarisimaarlugu.

Taamatut oqaaseqarluta tapersiillutalu nuannaarutigarpur, ukioq manna Nunani Avannarlerni ministerit ataatsimiinnissaanni, Nunat Avannarliit Killiit Siunnersuisooqatigiivisa kaammattuutaa ilanngullugu oqaluuserineqassammat. Inuiaqatigiit ammanerujartuinnaraluartut politikikkullu tapersersuineq ersarissiarortaluartoq, suli pisariaqarpoq Nunani Avannarlerni aamma killerni immikkoortitsisarnerit atuummata taamaattumik ammanerusumik oqaluuserinninnissaq avitseqatigiinnissarlu suli annertuumik pisariaqartinneqartut isumaqarpugut.